


Sel Prestuhn
Henry B. Eyring

Mwet in Kahsrh Se Met ke
Prestuhnsi Se Met



Nuklac ke Suwohswohs

Mwet pahluh luhn God fin facluh, Prestuhn Thomas S. Monson, el fahkwack, “Mihsenge, kuht rauniyuckyak ke ma koluk, suhfal, ac tiac wo emet ma oakiyucki ye muhtahsr.”¹

Yac kom ac lut in etwacack lah Prestuhn Monson el fahk kahs ingacn yac 50 somlah ah? Kuht fin ahkolah in lain ohiyacn ma koluk ke pacl sacn ma yohkwelihk, luhpan ma koluk ingacn ac ahkkolukye kuht fuhkah mihse- nge? Ke srihpac wowo, Leum El fahkwack nuh ke fihl lasr uh lah mwet lokoalok uh tuhkweni (liye D&C 38:12).

Mweun se ma “kuht nohfohn wi uh”² muhtwacwacack met likina kuht isuslac nuh facluh ah. Finne muhtwacwacack met likina facluh oreklac ah. Muhtwacwacack ke tau- sin yac somlah ke moul se met liki isuslac ah, ma Setuhn el tuh forlah ac suk in kuhnaoslah sukohsohk in sulacлах luhn mwet uh (liye Moses 4:3).

Kuhtangyucklac Setuhn ke mweun sac ac “sisila el nu faclu” (Fwackyuk 12:9), ma el kalweni mweun lal mihsenge. Inge fin facluh el oraclah mweun yurin mwet luhlalfongi luhn God, ac raunweloslah (liye D&C 76:29) ke kikiacp, kuhtasrihk, ac mwe sruhf.

El mweun lain mwet pahluh ac mwet sap uh. El mweun lain masap ke tiac kosro ac muhtahliyacn pahyuck uh. El mweun lain sucu ac tempuhl. El mweun lain ma wo, muh- tahl, ac sacohk uh.

Kuht ac lain fuhkah kain in mwet lokoalok se? Kuht ac lain fuhkah ma koluk ma sikyak in kuhtanglah facl se lasr uh? Meac mwe loang lasr uh? Suc wi kuht lac uh?

Kuh luhn Lahm

Mwet Pahluh Joseph Smith el luti lah oasr kuh lal Setuhn facsr muhkwenena kena pacl kuht fuhlweacng nuh sel uh.³

“Ac tukun ma inge nga, Nephi, liye kuh luhn Lahm nuhtin God, puhtati nuh fin mwet luhlalfongi ke alu luhn Lahm, ac nuh fin mwet wuhlweacng luhn Leum, suc fah- srelihk nuh fin facluh nohfohn; *ac elos nuklac ke suwoh- swohs ac ke kuh luhn God ke wolacna yohk.*” (1 Nephi 14:14; ahkuhtweyac wo ituckyang).

Kuht ac karihngihn kuhtyang sifacna ke suwohswohs ac kuh fuhkah? Kuht ac liyacacng lwen Sahpuht in muh- tahl ac ahkfuhlwactye pristut. Kuht ac oraclah ac liyacacng olwelah muhtahl uh, orekma ke ma mahtuh luhn sucu lasr uh, ac wi nuh tempuhl. Kuht kampare kalwenina in auli- yak ac ngihsre sin Leum in “orekmakihn srah in iwacлах luhn Kraist tuh kuht in eis nuhnak muhnahs ke ma koluk lasr” (Mosiah 4:2). Kuht pruhe ac kuhlwacnsap ac fah- kwack ac ahkyohkye luhlalfongi ke Jisus Kraist.

Kuht oacyacpac karihngihn kuht sifacna ke suwoh- swohs ac kuh ke kuht kalweni in sruokyacna insiyacsr kahs luhn moul (liye D&C 84:85). Kuht sruokyacna kahs ingacn ke alken in lutlutkihn ma suhmuhslah ac kahs luhn mwet ma Leum El sulacлах in mwet kuhlwacnsap Lal, suc fah akacsruhi kena, nuhnak, ac puhsra Lal (liye D&C 68:4) ke mahlwem in toeni luhlaph se fahsrh uh.

Ke mweun lasr lain ma koluk, kuht enenuh in esam pacl nuh kwewa lah oasr kahsrh lasr ke kwewana inge

ac inkuhsrao. Mwet wi kuht lac uh pa God Pahpah Ma Pahtpaht, Leum Jisus Kraist, ac Nguhn Muhtahl.

Mwet wi kuht pac lac uh pa un armi koflah liyeyuck inkuhsrao uh. “Nimet sangeng,” Elisha el fahk nuh sin sie mukul fuhsr puhlaik ke elos tuh sun sie u in armi koluk, “pus mwet wi kut lukelos” (liye Luo Tokosra 6:15–16).

Kuht tiac enenuh in sahngweng. God El luhngse Mwet Luhlalfongi Lal. El fah tiacna siskuhtlac.

Nga etuh lah God, ke topukyacn pruhe, El ahkfalyelah nguhsr luhk in eisyuclac liki ma koluk. Nga fahkwack luhlalfongi lah ke kahsrub sin God Pahpah, Mwet Lahngo luhn facluh, ac Nguhn Muhtahl, kuht ac etuh lah ac fah utuckuh kuh yohk liki ma fal lasr in kutong oacna sie kuh koluk kuht sun uh.

Lwelah kuht in nuklac ke suwohswohs pacl nuh kwewa in muh oasr luhlalfongi ke kuantanglah yohk lasr uh.

MWE KAHSRUH

1. Thomas S. Monson, “Correlation Brings Blessings,” *Relief Society Magazine*, Eprel 1967, 247.
2. “We Are All Enlisted,” *Hymns*, no. 250.
3. Liye *Teachings of Presidents of the Church: Joseph Smith* (2007), 214.

LUTI KE PWENG SE INGE

Prestuhn Eyring el ahkacsmakihnye kuht lah kuht oasr ke sie mweun ma lain ma koluk uh. Kowos kuh in muhtwacwacack in onkihn “We Are All Enlisted” (*Hymns*, no. 250) yurin mwet kowos luti an. Na kowos kuh in solwaclos in akacsruhi ke atac elos karihngihnyuck ke suwohswohs ac inkacnek in pihrihk in karihngihn sucu lasr lain Setuhn uh, oacna sulaclah media wowo, oruh kahsrub luhn sucu, kuh oruh ekuh in toeni luhn sucu ke kais sie wik. Kom ac kena elos in pruhe in motko ohiyac in muhsaheack loangweyuck lalos ac ahkweyaclos in oraclah sie plwacn in orekmakihn nuhnak lalos an.

MWET FUHSR

Nga Sulaclah Tari

Sel Madison Thompson

Nga tuh eis sie lesin na yohk srihpac ke sie kuhlals luhn Muhtwacn Fuhsr ke tiac kosro—sie sifac ma

oruh mwet fuhsr puhs mukwikwi na ke siah lalos ah. Nga tiac esam ma nuh kwewa nga lotwelah ke lwen sac, tuh nga esam mwet kol luhk ah sramsram ke sie ohiyac wo lal sifacna—in nwacsnwacs ke tiac kosro pacl nuh kwewa. Kahs lal ah oan na sihk, ac na nga oraclah sie sulaclah wo in sruokyacna oacna sie ma yohk srihpac nuh sihk sifacna.

Sie lwen ah ke nga wi pas soko nuh lohman ah ke sie pacl in sritacl, mwet se ke pas ah sramtweack sritacl truth or dare se. Ke suhpwacr, nga ac kuhtuh tuhlihk sahyac ah sroacng wi. Ke sun pacl in nga ah, suhpweyuck ngan oruh sie ma nga etuh muh tiac suwohs Ah. Ma inge kuh in sie sulaclah upac nuh sihk in oraclah, tuhsruhkahs luhn mwet kol ke Muhtwacn Fuhsr luhk ah tuhkuh nuh insifuck, ac sulaclah sac fihsrwacs. Nga sana tulokihnyac. Nga otwelah tari nuhnak luhk ke ma nga ac fah oruh ke ohiyac sac.

Nga etuh lah ke kuht som wi alu ac eis ma ma luti-yuck we uh, kuht ac fah ahkinsewowoyeyuck ke kuh yohk luhn nguhn ac karihngihnyuck liki mwe sruhf luhn facluh.

Mwet sihm sac muhta fin acn Utah, USA.

TUHLIHK SRIHSRIHK

Nokomwacng Mwe Loang Lom an

Puhkantwen ma koluk fin facluh mihsenge. Wosasucuh oacna sie mwe loang ma karihngihn kuht. Riti 10 ma Prestuhn Eyring el fahk nuh sesr in oruh in karihngihn kuhtyang sifacna. Na srolwacclah ac tuhnwacclah mwe loang lom sifacna an!

1. Liyacacng lwen Sahpuht in muhtahl
2. Ahkfuhlwactye pristut
3. Oraclah ac liyacacng olwelah uh
4. Orekma ke ma mahtuh luhn sucu
5. Som nuh tempuhl
6. Auliyak
7. Pruhe
8. Kuhlwacnsapuh mwet sahyac
9. Akacsruhi fahkwack luhlalfongi lom
10. Riti ma suhmuhslah



Kuh Fokoko luhn Jisus Kraist ac Iwacalah Lal

*Pruhe in luthutkihñ kuhfa se inge ac suk kolyuck in etuh ma in akacsruhi kac.
In kahlwem ke srihpac luhn Rilif Sosaiti fah ahkoelah tuhlihk muhtwacn nuhtin
God fuhkah nuh ke mwe in sewowo ke moul ma pahtpaht uh?*

Luhlahlfongi, Sucu, Kahsruh

“Oasr ku luk in oru ma nukewa ke ku su Christ el ase nu sik” (Philippi 4:13). “Kuht nohfohn finne oasr mwe muhnahs la, kuht kuh in kuhtanguhloslac,” Prestuhn Dieter F. Uchtdorf, Mwet in Kahsruh Ahkluo ke Prestuhnsi Se Met el fahk. “Pwac-yena lah ke luhng kuhlwacong luhn God oruh, kuht fin ahkpuhsisaclye kuht sifacna ac oasr luhlahlfongi la, mwe muhnahs uh kuh in eklac fokoko.”¹

Mwet Lahngo lasr El fahk ke Doctrine and Covenants lah El fah som ye muhtahs. El fah oasr ke lacpoh lacyot ac lacsac lowos, ac Nguhn Lal fah oan insiyacs, ac lihpufacn Lal fah raunikuhtlac, in sruhkuhtyak (liye D&C 84:88).

“Nephi el sie srihkarak ke sie mwet suc etuh, kahlwem, ac luhlahlfongi ke kuh fokoko luhn Mwet Lahngo,” Elder David A. Bednar ke U luhn Mwet Sap Singucul Luo ah fahk. “Tamuhlwel wiyacñ Nephi ah

kaprilyac ke mwe kapihr ac plwac-nwelah in kuhnahsossuhllah. Nuh-nak muhnahs liye pruhe lal Nephi: ‘O Leum, in oacna nuh ke luhlahlfongi luhk ma oasr in Kom, yac Kom kuh in moliyuclac liki poum tamuhlwel wiyuck; ahok, *finne in use nuh sihk kuh tuh nga in kuh in kuhnahoslah mwe kapihr inge ma nga kapriyucki kac*’ (1 Nephi 7:17; ahkuhtweyac wo ituckyang).

“. . . Nephi el tiacna pruhe tuh ohiyac el oasr kac uh in eklac. Sahyacna, el pruhe nuh ke kuh in ekuhllah ohiyac el oasr kac uh. Ac nga luhlahlfongi lah el pruhe ke ohiyac sena inge ke srihpen el etuh, kahlwem, ac tuh puhlakihñ kuh fokoko ke Iwacalah uh.

“Nga tiacna pahngon sucl ma kaprilyac Nephi ac ke usrnguck tuh puhtatlac likina pahol. Sahyac-na, nga luhmahack lah el ahkin-sewowyeyuck ke kwewana kuh kalweniyuck ac kuh lal sifacna

ahluhkwelah kuh fal lal, lah ke pacñ sacñ el oasr ‘ke kuh luhn Leum’ (Mosiah 9:17) orekma ac tuhlahlah ac ollah na sucl ah, ac sahflahiyac ac pwacyelah kuh in otwelah kapihr an.”²

Ma Suhmuhsalah ac Sramsram Weacng

Isaiah 41:10; Ether 12:27;
reliefsociety.lds.org

MWE KAHSRUH

1. Dieter F. Uchtdorf, “The Gift of Grace,” *Liahona*, Mei 2015, 108.
2. David A. Bednar, “Strength beyond Our Own,” *New Era*, Mahs 2015, 4.

Nuhnkuh Ma Inge

Kuh fokoko luhn Jisus Kraist ac kihsac in iwacalah Lal ac kuh in kahsruh fuhkah mwe muhnahs lasr uh in fokokoi?